

TRUK DISTRICT CONGRESS

EFISUWEN MWICH, 1963

PUBLIC LAW NO. 7-4

ANNUKUN TUMUNUN METTOHUN SAKAU ME PUNAS

E PWE PUNGUNO ME REN EWE TRUK DISTRICT CONGRESS, PWE,

PEKIN ANNUK I - E PWE KATANO

Ewe Annukun Truk District No. 1-62 itenapen Annukun Tumunun
Mettochun Punas me Sakau epwe katano.

PEKIN ANNUK II - ANNUK NGENI MEINISIN

Tetten 1. Awewen

Nukun ekkewe napanap ese pawan apesa, ekkewe wewe a fori meinisin
e pwe fis pwe fofforun ewe Annuk:

- a) "sakau" Beer pwan ekkewe sakkun usun chok beer (Malt Beverages)
ekewe mi kuk a winiti sakau (distilled spirits) wain pwan ekkewe
mei wor esop seni ew (1%) prosent are nap seni ren pochokunen
arukor, pwan ekkewe a for pwe pisekin sakau ese nifinifin ika ese
efitiar ika mei efitiar me ekkoch sakkun efitarun sakau.
- b) "beer" pwan ekkewe usun chok pochokunen beer, (Malt Beverages).
Ekkewe sakkun sakau mi wor esop nap seni (15%) engon me nimu
prosent pochokunen arukor a for seni arukor, are afitar are pwan
afitiar me konik.
- c) "club" ewe mwichen aramas ra io fengen fan iten ar re pwe forata
ew angang are neni ren ar repwe fori ekkewe sakkun apwapwa non nge
ese pwan wor manamanen nour kewe moni re pwe pwan akangei. Mei
mak iten chon mwich, ra pwan tongeni uttut won nour offeser tori

mei pwan wor annukun ar mwich.

- d) "minor" wewen pwe ese nifinifin aramas ierin fan 21.

PEKIN ANNUK III - OTOTTEN ANGANG

Tetten 1. Mwich E pwe Foruta:

E pwe wor ew mwich e pwe iteni Mwichen Tumunun Annukun Mettochun Sakau e pwe chok (5) nimon chon repwe finita me ren ewe Kepina ukkukun 2 ier an emon e pwe choni ewe mwich. Ewe Meinapen Polis tori ewe Meinapen Pioing repwe pwan fifiti ewe mwich. Ewe Kepina e pwe pwisin fini emon chon ewe mwich pwe e pwe i chairman.

Tetten 2. Ese Tufichin Choni Mwich:

Emon aramas ese tufichin choni ewe mwich ika i:

- a) mei wor an mwochen an e pwe fori are ani ew ekkewe pekin angang ren chumong are fori ika amomo sakkun sakau; ika mo pwan i emon mei wor noun see esap pwan tongeni fori ewe angang.
- b) Ierin esamo tori ukkukun 31.
- c) pin ani ew ekkewe tettenin tipis watte nge esamo pichi seni fan nemenien tipis.

Tetten 3. Fofforu Ngau Tou Seni Mwich:

Ewe Kepina e pwe tongeni atou io chon ewe mwich pokiten ika a wor fofforu-ngauwen.

Tetten 4. Niwin:

Meinisin chon ewe mwich ika esap ir chon angangen Government pwe rese tongeni peiof, repwe tongeni angei niwinir minne ewe Kepina a finata.

Tetten 5. Pochokunen Mwich:

E pwe wor an ewe Mwich pochokun an e pwe mutata naisinin chumong
ika forun tori amomon ekkewe mettochun punas pwan tori an e pwe
tongeni angei sefani, ngeni ponon an tipis ika siwini sefani
kapsen ewe naisin.

Tetten 6. Ewe mwich e pwe fori annuk esap sokoseni are winiseni met mei mak
non ei ren siwini are fen ataieno fan iten ekiekin mettoch mei
auche an e pwe tongeni apochokuna minne masowen ei annuk nge ren
chok an e pwe atufichi ukkukun pochokunen ei annuk ren fori ekkewe
tettenin wis a aporausetiw non.

Tetten 7. Pochokunen An E pwe Wor Taropwe Anche are Repot:

Ewe mwich e pwe wor an pochokun an e pwe angei porausen are napa-
napen me tumunun puken are taropwen ekkewe naisin seni minne nour,
esap nifinifin aramas minne are ekkewe angang, ika pwan io kan mei
auche an ewe mwich e pwe fori ukkukun pochokunen an kewe annuk wor
meininis tori tettenin pungun wisen ewe mwich.

Tetten 8. Pochokunen Mwich an E pwe Fori Kapasen ekkewe Taropwe:

Ewe mwich e pwe fori ekkewe taropwen tungorun naisinin angang tori
ekesiwinin ekkewe naisin tori pwan met sakkun taropwe are kapas
tichikin ekkewe naisin me angang, tori kapisin ewe angang e pwe
pwan nom non ewe taropwen tungor. E pwe pwan apesata ewe neni
ewe Naisin e pwe fot ie me ren minne noun ewe naisin.

Tetten 9. Niwinin Naisin:

Ewe mwich e pɔ pwan tori tettenin niwinin Naisin me mwen kamotiw ren ewe District Treasurer.

Tetten 10. Taropwen Mwich:

Ewe mwich e pwe pwan fori minne taropwen an mwich, masowen mwich, fitu sakkun business tori nampan me tettenin, ika met sakkun naisin mei katou, met ese mumuta, mei nom non tettenin tipis ika met mei fen katano, tori ukkukun moni tonong, met sakkun taropwe e pwe tou ngeni aramas meinisin ren ar re pwe kuna. Ewe mwich e pwe pwan ator ngeni ewe Kepina noun repot 30 ran me mwen an e ne wesino ew kinikinin ier (FY), e pwe fakkun tichiki sakkun mettoch meinisin mei fis non ewe ier arapakan e pwe ne wes seni me non noun taropwe (records).

Tetten 11. Fansoun Mei Pon:

E pwe chok fifis mwich fansoun a wor mettoch nge ren mwich ewe chairman e pwe pwisin akkouw.

Tetten 12. Napanapen Kapungunon Taropwen Tungor:

Emon me emon chon mwich e pɔ wor an fansoun an e pwe fakkun ekiekiochu met masowen ekkewe taropwen tungor ika e pwene kapunguno ika fen katano. Ewe chairman e pwe katon akkom ekkewe taropween tungor, mwirin e pwap tinano ren emon me emon chon ewe mwich. E pwe wor simple majority ren chon mwich mwinsin an e pwe tongeni forata ew quorum iwe a tongeni fis ew pung fansoun mei unus chon mwich.

PEKIN ANNUK IV - NAISIN

Tetten 1. E pwe Wor Naisin:

Chinon chok ika mei mumuta me non ei annuk emon aramas esap tongeni e pwe chumong, fori are amomo sakkun mettochun sakau ika ese wor noun naisin.

Tetten 2. Ika Ese Wor Naisin: Pisek E pwe Katuruno:

Ika mei wor an emon aramas pisek ren ekkewe sakkun mei nom non annuk ren sakkun sakau ika meta kana nge a fen mwirin an a pwata pwe ese wor noun naisin ika ese pwan ekesiwini noun we naisin, e pwe tongeni amomono an kewe pisek fiti chok pungun ei annuk non napanap ei mwich a apungano non annuk, ngeni emon mei wor noun naisin a mumuta an, e pwe tongeni amomono ekkewe mettochun sakau.

Tetten 3. Twenon Chok: Wain Fan Iten Angangen Namanam:

Ew mwichen namanam mei tongeni pwisin chumong an wain fan iten an angangen amongo fetenap ika mo ese wor noun naisin.

Tetten 4. Pwan Tiwenon Chok: Aramas Tofonong Non Truk:

Emon aramas are wasona e pwe keran aewin an tenong non Truk ika niwiniti nenien mwirin 15 ran ika nap seni mei tongeni pwisin you unumen sakau, nge esap chok amomo sefan ngeni emon ika nonon ewe sakau mei nap seni aukkukun ew gallon nge ese wor noun naisin.

Tetten 5. Naisin: Tetten me Niwinin:

Class 1 Wholesaler (Kamo Urus)

| | |
|----------------|----------|
| A Beer me Wain | \$150.00 |
| B General | 300.00 |

Class 2 Retail dealer's On-Sale License

| | |
|----------------|-------|
| A Beer me Wain | 30.00 |
|----------------|-------|

| | |
|---|---------|
| B General | \$60.00 |
| Class 3 Retail and dealer's Off-Sale License | |
| A Beer me Wain | 30.00 |
| B General | 60.00 |
| Class 4 Club License | 100.00 |

Tetten 6. Naisin: Niwinin:Kakisinon:

Ika ewe chon tungor are amasow noun taropwen tungor fan iten naisinin amomo sakau a tungor mwirin nepoputan ewe kinikinin ew ier (FY) nge keran nepoputan ewe aewin ew ne ruwanu ($\frac{1}{4}$) non unusen ew ier i e pwe isetiw unusen ewe niwinin naisin a maketiw. Ika a amasou noun taropwe mwirinnon ewe aewin ew ne ruwanu ($\frac{1}{4}$) nge ne keran poputan ewe ru ne ruwanun ier ($\frac{2}{4}$) iwe e pwe isetiw ukkukun unungat ne ruwanuwen unusen niwinin ewe naisin we. Ika a tungor mwirin ewe ru ne ruwanuwen ier iwe e pwe tongeni pungutiw nescun ewe niwinin naisin ina mo ika inet ewe a fori noun we taropwen tungorun naisinin business.

Tetten 7. Naisin a Tori Ponen:

Ekkewe naisin mei affat kapasin me non pekin Annuk 4, Tetten 5, me non ei puken annuk fan iten ar repwe katou tori fansoun ewe pon. Ika, mo, nge re pwe chok kamotiw won unusen niwinin non ew ier usun a fen punguno me non pekin Annuk 4, Tetten 5, fan iten katoun naisin. Repwe chok kamotiw non ika mwen June 30 non ew ier pouta seni June 30 mwirin ewe fansoun katooun naisin. Ika ewe niwinin naisin ese totiw non ika mwen June 30 non iteiten ier, ewe naisin

e pwe chok kau-pokuno, nge mei pwan tongeni ekésiwin met kapasen seni ewe Mwichen Tumunun Mettochun Sakau non chok (3) unungat ran mwirin ewe June 30 fansoun kamotiwen ewe naisin. Nge ika ewe naisin ese ekésiwin kapasin, iwe e pwe tongeni chok katano non 31 mwirin ewe June 30, iwe ewe mwich esap tongeni chuwen atouu echo siwinin ewe naisin ika chok mei fen ekésiwin ngeni echo minafon naisin.

Tetten 8. Chon Naisin: Aukkukun Ar Pochokun:

Emon chon nounou naisin e pwe chok aukuk pochokunen noun we naisin ngeni chok an we neni mei angei naisinin nge esap pwan tongeni fori ekkoch sakkun tufich me nukun met masowen ewe naisin ren pwan forata ew sakkun angang seni chok ewe echo naisin.

Tetten 9. Naisin: Aukkukun Tufichin:

Ewe chon nounou naisin e pwe chok fiti minne aukukun an noun we naisin tufich, nge esap pwan tongeni forata och sakkun me nukun ekkewe tufich are pochokun mei mak non noun we naisin.

Tetten 10. Naisin: Amomo Unus:

Emon aramas a nouni naisinin kamo unus mei mumuta an e pwe chumong an sakau seni nukun Truk an e pwe katonong non Truk seni ekkewe... nenien for, chon amomo unus sakau mei kapunguno me ren ewe mwich... tori an e pwe pwan tongei amomo ngeni ekkewe kukkun sitowa mei pwan angei naisin tori ekkewe nenien un ika pwan ekkewe pekin angangen namanam.

Tetten 11. Naisin: Sitowa: Kamo ren Ach Sipwe Chok Un Non:

Emon aramas a nouni naisinin kamo iwe un non ewe neni fan iten aramas ar repwe kamo iwe ra chok un non ewe neni nge resap pwan tongeniwau nukun ewe neni usun mei pwan affat me non pwisin ewe naisin.

Tetten 12. Naisin: Sitowa: Kamo iwe wano Nukun:

Emon aramas a nouni naisinin amomo sakau usun mei pwan pwabata me non ewe naisin pwe chon kamo ren ar repwe un resap tongeni un non ewe neni pwe repwe fen tou nukun iwe repwap un me ie.

Tetten 13. Naisin: Naisinin Club:

Ewe naisinin club e pwe tongeni achupa ekkewe naisinin kamo ren un non me pwan ewe naisinin kamo iwe uano nukun ika pwan amomo ngeni pwisin chon ewe club tori wasonan ewe club ar re pwe pwan apwapwar usun chok ekkewe ir ra fitireto non ewe club.

Tetten 14. Naisin: Annukun: Aramas ese wor ar pwapwap:

Ewe mwich esap tongeni ngeni emon ika ew mwichen aramas naisinin ekkewe ika ew ekkewe sakkun pekin angangen amomo sakau ika ese wesewesen wor an pochokunen pwapwan ngeni.

Tetten 15. Mei Kukkun:

Ewe Mwichen Tumunun Mettochun Sakau esap mut ngeni emon ekkewe sakkun naisin ika ierin esamo tori/fan 21.

Tetten 16. Angei Sefani:

Tiwenon chok an echo naisin e pwe tongeni katano ika ese tongeni chuwen mon-sefanietiw niwinin ewe naisin, ewe mwich esap chuwen mutau sakun naisinin ekkewe tettenin pekin angangen amomo sakau pokiten a fen katano ika angei sefani ewe naisin non aukkukun

ew ier tori ewe fansoun amosowen ekkewe taropwen tungorun naisin.

Tetten 17. Aramas Rese Tufichin Angei Naisinin Sakau:

Ewe mwich esap tongeni atou echo naisin ngeni ew ekkewe sakkun pekin naisinin amomo sakau ngeni emon aramas mwich a ekieki pwe ese fakkun tufichin an e pwe nounou naisinin sakau.

Tetten 18. Non Kienin Imwen Fan, Pioding, tori Imwen Sukun:

Ewe mwich esap tongeni atou echo naisinin kemo sakau iwe un non ewe neni ika mei nom non aukkukun 100 fut nefinen me ewe imwen fan, sukun me pioding.

Tetten 19. Katonon Taropwen Tungorun Naisin:

Mwichen Tumunun Sakau mei tongeni an e pwe atefeno echo taropwen tungorun naisin, fansoun ar kuna are sined seni ar kuta usun porausen ewe taropwen tungor pwe ese fiti ennetin an emon ika aramas meinisin non ewe neni tipe-ewin uttuk.

Tetten 20. Angang Sefan:

Fansoun echo taropwen tungorun naisin mei fen katano me non pungun
Tetten 20 me non ei Pekin Annuk, ewe chon tungor e pwe tongeni ator ngeni ewe Kepina usun pungunon an ewe mwichen Tumunun Sakau angang won ewe taropwen tungor, iwe ewe Kepina mei tongeni an e pwe churi ewe mwichen tumunun sakau ren an e pwe arenir pwe re chok fori echo noun ewe aramas naisin,

PEKIN ANNUK V - OTTOTEN ANGANG

Tetten 1. Napanapen An Ekkewe Business Angang:

Ewe chon Naisin, ika chon amomo unus sakau, tori chon amomo futuk, esap tongeni an e pwe apochokuna ngeni aramas ar re pwe un sakau nge e pwe fen chok ekieki met esap tongeni kisino ren an sakau-wen amomo pwe e pwe chok nonom non ewe aukuk minne a pwarata me non pungun kapasin ei annuk.

Tetten 2. Napanapen Me Nimenimen Ewe Neni:

Ewe mwich e pwe wor an pochokun an e pwe fori met minne annuk a apesa fan iten ottoten, kauten, pisekisekin are pwan tengkin tori nimenimen pisekin non ewe neni ika pwan fori met e pwe fen wor ren ekkewe sakkun pisek ren an iten nimenimochun ewe neni.

Tetten 3. Sakau Fan Nemenien emon ese Mumuta E pwe Katuruno:

Ewe chon naisin esap tongeni an e pwe isois are amomo ekkoch sakkun sakau me nukun met mei mumuta me non noun we naisin.

Tetten 4. Kunokun Amomo: Fan Iten Ekkewe Sia Tongeni Ukkun Non:

Me non ekkewe neni mei angei naisinin an e pwe amomo non ewe neni tori sia pwan tongeni un non esap tongeni amomo sakau seni mwirin ewe kunok 10:00 nepwin seni pwinin raninfen tori pwinin aruwanu ika seni kunok 12:00 nukenipwin non pwinin enimu tori pwinin raninfen. Ewe chon anisin e pwe tongeni an e pwe poputa amomo ika katou sakau seni kunok 12:00 non raninfen tori aruwanu iwe seni kunok 9:00 nesosor non enimu me ammon.

Tetten 5. Nenien Kamo Futuk me Kamou Nukun:

Ekkewe sitowa ika nenien kamou nukun ra tongeni amomo ar sakau

me non ar kewe neni nge resap tongeni poputa ne amomo seni 7:30
nesosor ika pwan kunok 7:30 nekunion, Esap pwan tongeni an e pwe
amomo ekkewe sakau pwichikar ika pokhokun non raniiffen.

Tetten 6. Ranin Pin:

Ewe Mwichen Tumunun Mettochun Sakau e pwe wor an pochokun an e pwe
fori ika atou kunokun amomo sakau non ekkewe ranin pin.

Tetten 7. Ranin Uttut: Esap Wor Amomo Sakau:

Ekkewe nenien amomo sakau ren ir me ru, ewe imwen un me ewe sia
chok tongeni kamo non iwe uwau nukun resap tongeni repwe amomo
sakau non ewe neni ika fonu fansoun mei wor angangen uttutun
nou-wis non ekkewe awa ika kunok mei ponono pwe fan iten chok
ewe angangen uttut nge esap pwan wor och sakkun angang e pwe
tongeni fis ika epeti ewe angangen uttut.

Tetten 8. Amomo Ngeni Aramas Mei Sakau: Mei Pinepin:

Ewe chon naisin tori noun chon angang resap tongeni amomo ngeni
emon aramas mei fakkun sakau-engau ika fen mei chok sakau me mwen
an tonong e pwe kamo unumen.

Tetten 9. Mei Kukkun:

Ewe naisin ika io chon angang resap tongeni amomo, ika ngeni pwan
tori ar repwe aunu ika mut ngeni an emon aramas e pwe kamo, angci
ika fen un och sakkun sakau ika ierin mei kis-seni 21. Ren fan
iten tumunun ei, an esap wor e pwe atai ei annuk, ewe chon naisin
tori noun chon angang resap fakkun mut ngeni emon an e pwe kamo
ika un ekkewe sakau ika ese wor noun taropwe e pwe tongeni pwarata
pwe i a fen nap seni ika tori 21 ierin. Non sakkun tipis e pwe
ehitin ika angei sefani ika aukatiw ewe naisin pokiten an puratiw

ei annuk, pisekin pwarata ewe chon naisin ika noun chon angang re fen apesata, me mwenar re pwe tongeni ngeni ewe mei kukkun ierin sakau, mei och ewe aramas e pwe tongeni pwarata pwe mei wor noun taropwen ika met sakkun mei auche an e pwe tongeni pwarata pwe mei net ierin me mwen an ewe naisin e pwe kauno ika ren angei sefani. Ese nifinifin io aramas a atai ei annuk e pwe tur non tipis ren an paking esap nap seni \$50.00 ika kanopus non aukuk esap nap seni 90 ran ika fen ir me ru.

Tetten 10. Unumi Sakau: Won An, Nein Amwicheichen Aramas, Won Sein Neset: Aramas resap un sakau won ika non an, non ika nukun imwen an aramas amwicheichen, ika won wa mei uwou pasiso ika pisek (nukun chok ekkewe sein neset ir mei angangen Contract ngen Mwun Trust Territory).

Tetten 11. Rumen ikaTinen Sakau: Mei Annuk E pwe Anono Sefani: Ewe chon naisin esap tongeni an e pwe anono sefani ekkewe pon rume ika tin ren an e pwe pwan amomo sefan ngeni chon kamo.

Tetten 12. Annukun Amomo Fengen Nefinen Naisin: Emon chon fori sakau, ewe agent, are emon chon kamo-unus ika amomo unus ekkewe mettochun punas esap:

- a) non pungun ar sinei nge ra nifinifin ngeni ekkoch chon naisin ne amomo ngenir me non ar we nenien amomo ra ekisi are awatteino niwinin ekkewe mettochun punas non sakkun napanap ren nefiner.
- b) Amom sakau ngeni io aramas mei wor nour naisinin kamo iwe wano nukun me naisinin kamo iwe un non ewe neni nge ese pwan angei nampan nour kewe naisin.

Tetten 13. Chon mei Wor nour Naisin me Nour Chon Angang Resap un Sakau fansoun ir mei angang: Mei Annuk:

Esap wor chon angang non ekkewe neni, ika minne pukun an ewe neni, chon nenenemen ewe neni, ika io mei wor noun naisinin imwen pio repwe tongeni unumi sakau ika mutata ar repwe unumi och sakkun sakau fansoun ir ika ar we neni mei angang.

Tetten 14. Osochukata sakau fansoun un Mei Annuk:

Esap wor emon mei nouni naisinin kamo iwe un non ewe neni, chon angang non ewe neni e pwe uwouu ika kamo ngeni aramas chon un non ewe neni chommong sakau pwe e pwe chok ew tin ika ew rume fan ew.

Tetten 15. Nounou Chon Angang Ese Tori 21 ierina:

Emon mei ani are nouni naisinin amomo mettochun sakau esap tongeni e pwe nounou chon angang aramas ese tori 21 ierin ren an e pwe wisen amomo ngeni chon un sakau non ewe neni.

PEKIN ANNUK VI - APOCHOKUNEN

Tetten 1. Apochokunen Annuk:

Emon me emon chon ei mwichen tumunun mettochun sakau e pwe wor ren ewe pochokun ren an e pwe chon afforun kinamuwe ika chon pwan pwan apochokuna met masowen ei annuk ewe mwich a fori ika pungu pwe e pwe iei usun napanapen.

Tetten 2. Raun:

Emon me emon chon ewe mwich e pwe wor an pung non fansoun ese nifinifin ika mo ese wor taropwe are kapas mei amon ngeni ewe neni me mwen an e pwe pwan katon pukun me fetanin ewe neni ika ifa usun are mei fakkun fetanoch non an fori are aponuweta meinisin minne annuk a apesa.

Tetten 3. Kaukwitiwen me Angei-Sefani Naisin: Ren Meinisin:

Echo naisin ren ekkewe angangen pekin businisin sakau meinisin e pwe tongeni kauno pokiten ekkei napanap fan:

- a) an echo naisin e pwe sopuweieno an angang nge aramas rese chawen tipe-ew ngeni;
- b) ren atai annuk, forata mettoch ika mutata mettoch e pwe atai pungun annuk, anea-chopa me nukumach ngeni masowen annuk mei kapungano me ren ewe mwichen tumunun mettochun punas are sakau;
- c) Amwanano och mettoch seni pungun annukun tungorun angei ekesiwinin ewe naisin.
- d) ren ekiek mei pungu ika mettoch ewe naisin a tipis ren fan iten an angawano ika ataieno netipen aramas won minne ar mwochen me pung.

Tetten 4. Kuten Tipis:

Angangen kuten an emon aramas foffor pokiten pungun ei annuk pwan fiti ukkukun pochokunen ewe mwichen tumunun mettochun punas ika sakau mei tongeni angei sefani ewe naisin.

Tetten 5. Tipis:

Emon aramas a atai, fori ika mutata och mettoch, ika ese fen fiti ika pwan ponuwani an e pwe fiti pungun ei annuk ika met ewe mwichen tumunun mettochun sakau ra pwan forata nge ese wewe ngeni ei annuk nge me chok pwan wor pochokunen usun chok ei ren an e pwe wesewesan pwarata ukkukun tipisin nge ese fen mak non ei annuk e pwe tongeni paking won esap nap seni \$500.00 ika kanopus esap nap seni ew ier, ika ir me ru.

Tetten 6. Aramas Ese Tori 21 Ierin:

Mei fakkun annuk ngeni emon aramas ese tori ierin 21 an e pwe kamo sakau ese nifinifin sakkun. Chon puri ika atai ei tetten e pwe tongeni paking won esap nap seni \$50.00 ika kanopus esap nap seni ew ier, ika fen ir me ru.

Tetten 7. Aramas Ese Tori 21 Ierin:

Mei pwan annuk ngeni emon aramas an e pwe aunu ika uwou ngeni emon ierin fan 21 ren an e pwe un non ekkewe nenien an aramas amwicheich. Chon atai are puri pungun ei Tetten e pwe paking won esap nap seni \$50.00 ika kanopus non aukuk feita tori 30 ran ika fen ir me ru.

/s/ Raymond Setik
Raymond Setik, President
Truk District Congress

8/29/63
Date

/s/ Robert Halvorsen
Robert Halvorsen
Truk District Administrator

8/30/63
Date

(Sgd) Maurice W. Goding
Maurice W. Goding, High Commissioner
Trust Territory of the Pacific Islands

9/25/63
Date